


0 10 20 30 40 50 60 70 80 90 100 110 120 130 140 150 160


Inches
Centimetres

傳66401
884
:2

Kodak Color Control Patches

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31





廣元遺山年譜卷下

番禺李光廷恢垣編次

蒙古太宗七年乙未

四十六歲

學東坡移居八首

五古此年由聊城遷冠

氏乃定居也第四首壬辰困重圍金粟論升勺明年

出青城瞑目就束縛毫釐脫鬼手攘臂留空橐聊城

千里外狼狽何所託叙兩年被圍北徙之由最爲明

晰第五首去年住佛屋盡室寄尋丈卽上年甲午之

至覺寺也今年僦民居卧榻碍盆盎是本年先僦居

冬始營新居也第六首我作南冠錄一語不敢私自
指上年之作而翁譜於南榮坐諸郎句存疑今以南
冠錄證之叔儀即阿干戊戌游天壇詩註云兒子叔
儀即此是先生之長子年七歲而姪孫伯安在鎮平
已需寄筆則已十餘歲所謂諸郎也未首王生舊隣
舍即登封王子襄名贊者下云永懷王與李不知何
指施箋以為王百一李仁卿則未必也野史亭預擬
之詞此詩為先生行踪一關鍵故表出之 乙未正
月九日立春七律詩十度新正九處家自乙酉至上年

新正凡九處家也

乙酉汴京丙戌崧山丁亥洛陽戊子長壽己丑內鄉庚寅鎮平辛卯

秋林壬辰癸巳汴京甲午聊城

皆見上今年癡坐指本年仍在聊城

杏花落後分韻得歸字

七律三仙祠七律詩簫鼓未

休寒食酒樵蘇時見舊都人二詩原編在立春詩後
是一時作 答郭仲通二首七律續編詩白髮歸來一布

衣東臯春草暎柴扉此即移居詩之仲通甫 送李

輔之官濟南序時則暮春三月人則楚囚再募諸公

從衍聖公名元措金史孔播傳賦子為之序 代冠氏生修學

記歲乙未 後芳華怨樂府詩豈知汴梁破來一千日

濟南行記乙未秋予來河朔者三年矣始以故人李君輔之得一至焉因次第二十日間所游歷初至齊河與杜仲梁俱東並道諸山南與泰山接至濟南輔之與同官權國器置酒歷亭下故基亭下大明湖出於舜泉由北門出與濟水合華峯東有卧牛山正東百五十里鄒平之南有長白山范文正公學舍在焉嶺東十里有南北兩妙山兩山之間有閔子騫墓西南大佛嶺下有寺千佛山之西有函山泰山之北麓也歷山去城四五里許爆流泉在城西南靈泉菴

道士留予宿者再進士解飛卿從予游十許日此游至爆泉者六七宿靈泉菴者三汎大明湖者再遂東入水柵水名繡江發源長白山周圍三四十里府參佐張子鈞張飛卿觴子繡江亭留五日而還至濟南又留二日汎大明湖待杜子不至明日行齊河道中雲烟出沒應接不暇恨無佳句爲摹寫耳得詩凡十五首 濟南雜詩十首七絕詩四十二年彈指過逆溯是甲寅 歷下亭懷古五古 舜泉效遠祖道州府君

體五

汎舟大明湖待杜子不至雜言杜子指仲梁 繡

江汎舟有懷郭李二公律七李指輔之郭不知何指或

指長清郭明府 華不注山律七註濟南以上合十五

首 解飛卿山水卷絕七 乙未八月十七日莘縣夢

中所得絕七 望王李歸程律七此詩在移居後 紫微

觀記乙巳已當作未 辨見乙巳九月落成請予記 楊煥然生

子四首絕七詩七歲元郎鬢已了指叔儀也是時楊主

冠氏侯趙天錫 是年由聊城僦居冠氏復遷新居

存疑 濟南廟中古檜同叔能賦五古按十五首無叔

能想後來補賦耳 葯山道中二首絕七此亦濟南外

山而不入十五首內下年泰山少二詩而此又在秋

間故存疑於此

附錄 得姪搏信二首律五詩今日鄆州信知從虎穴

還 得姪一飛安信律五 眼中律七詩骨肉他鄉各異

縣衣冠今日是何年

總附 按先生自乙未至戊戌居冠氏者四年往來

東平今將冠氏詩附此而東平附下年蓋此時感慨

尤多也金史地志冠氏屬大名府路集中陽平魏黃 初三

年置卽 冠氏地指此 蕭齋五古○蕭貢字 真卿咸陽人序云北渡後居

陽平 送張君美

張徽武功人見與文正書此恐另一人

之南中七律

陽平城邊握君手

續陽平十愛五律

與宗秀才七律

續註陽平作宗楊奐弟子四詩明著陽平 祖唐臣

愚菴

七古 按滹南集 王若虛撰

愚菴序云既經喪亂流寓河

朔非復菴中主人則亦當在冠氏時

贈祖唐臣五律

續編

祖唐臣樛軒畫冊二首

七絕詩更覺昇平是夢中

祖唐臣母挽章

七絕

跋酒門限邵和卿醉歸圖七絕

詩好着蹇驢馱我去與君同醉杏園春園在冠氏以

上皆有地可考

不寐五律詩誰憐庾開府直欲賦

澆愁

送杜招撫

名先嘗任彰德招撫使

歸西山七律詩因君喚

起思鄉意君在西山我更西

寄欽止李兄七律名獻

卿獻甫之兄詩銅駝荆棘千年後金馬衣冠一夢中 送

李同年德之

名國維淄川人見沁州碑

歸洛西二首七律詩承平盛

集今無復哀樂中年語最真

送郭大方七律續編詩存

歿共驚初劫後

送李甫之官青州

七律續編詩故侯瓜

圃在東陵

奉酬子京禪師見贈之什三首七絕註往

在崧山陪馮內翰雷御史游戒壇詩道當年事詩兵

塵千里遙相望亂後相逢話更長以上皆哀怨之音

自是北渡後之作 為衍聖公題張公佐湘江春早

圖二首七絕 聞歌懷京師舊游七絕 鄭先覺照水扇

頭七絕 詩風流一枕西園夢以上皆憶沐之詩 與張

仲傑郎中王若虛門人 見王公表 論文五古 寄程孫鐵安五律 詩

異縣關山闊按此直孫時年三歲 壽趙壽之七律 續編

寄楊飛卿七律 楊名鵬汝海人見金史姬汝作傳時

在東平 虛名七絕 此與別周卿詩六年河朔州動輒

得謗訕同意 寄史同年二首七絕 〇史元字 邦直河內人 詩知

君東望亦淒然 邢公達寒梅凍雀圖七絕 公達名敏

關中人居陽平 又解嘲二首七絕

八年丙申

四十七歲 冠氏趙莊賦杏花四首七絕 詩荒村此日

腸堪斷回首梁園是夢中 自趙莊歸冠氏二首七絕

東游畧記丙申三月二十有一日冠氏趙侯名天 錫冠

氏人時為東平副 元帥元史有傳 將會行臺公即東平路萬 戶嚴實 於泰安

侯以子宿尙游觀拉之偕行凡三十日因畧記之郭

巨廟在長清西南四十里路傍小山之上齊武平中

齊州胡僕射所造石室在焉隔馬祠在長清馬山之

南距縣八十九里靈巖寺亦在長清東南百里所旁
 近有山曰雞鳴曰明孔寺後有方山泉曰雙鶴曰錫
 杖絕景山在方山之下絕類崧山寺壁石刻甚多不
 能悉記泰山出州北門經水馬棚回馬嶺御帳護駕
 泉而上遂登天門岳頂四峯曰秦觀越觀曰觀周觀
 秦觀有封禪壇壇下有秦李斯及唐宋磨崖岳祠在
 城中毀於貞祐之兵今惟客省及誠享殿在耳城四
 周有岱岳青帝乾元升元四觀青帝觀有唐大中金
 龍石刻岱岳觀有漢栢東有巖巖亭山水自溪澗而

下就兩崖為壁以亭壓之北望天門屹立如屏而濁
 流出几席之下泰山絕勝處也州門南道左有宋封
 祀壇道右有宋封禪朝覲壇泰山上書院元是周林
 所居宋泰山孫明復復居之州學有魯兩先生祠明
 復與徂徠先生石守道也龍泉寺在平陰東四十里
 齊天統中建寺有石刻劉豫阜昌三年又阜昌中題
 名最多此行游泰山者五日靈巖龍泉
 獲鹿亦有靈巖龍泉與此
 不皆一宿而去得詩凡十首云 登珂山寺三首
 同

○此不見
 記附此

游泰山

雜言

龍泉寺四首

七絕
 上祇八首

絕七

贈馮內翰二首七律續編序丙申夏六月公自東平展墓

鎮陽以予在冠氏枉駕見過考集中內翰馮公碑云

壬辰河南破乃北歸又云尙憶公還鎮陽時過好問

冠氏時方為中暵所苦卽其事也 故物譜丙申八

月二十二日記 東坡樂府集選引丙申九月朔書

於陽平寓居之東齋 九月初霖雨中感寒痺作五古

詩兩年魏大名 戲題新居二十韻七古新居被火又

重建也首句去冬作室則建在是年詩意自顯 是

年居冠氏游泰山回新居被焚復營居居之

附錄 贈楊君美之子新甫七律按元文類許衡楊公

銘君美諱天德高陵人京城不守流寓宋魯十年歸

長安一子恭懿施箋恭懿至元十二年赴召謚文康元

史有傳又姚燧楊公碑公生乙酉年十七西歸詩應

在此數年先生來魯時蓋十二三歲矣

總附 先生來東平不一其有年可編者編之各年

餘附此 過劉子中新居七古劉翊字子中上谷人時

為東平從事首句鄆州城隅兩茆屋鄆州卽東平也

金史地志山東西路東平府宋東平府舊鄆州縣東

平詩末句溪南詩老指辛敬之時死已久詩似尙未

死豈訪未真耶 劉子中夢菴律五 南湖先生雪景

乘驟圖雜言○靖天 民字達卿 序其子文煒昭字德 北渡後來東

平 東園晚眺律七 註東平 侯相公所藏雲溪圖名摯

東阿人官平章封 蕭國公金史有傳 絕 序云北渡後往東平路經雲

溪因爲賦之詩前日相公門下客國亡家破獨來時

東平送張聖與北行律七 詩去國衣冠元易感中年

親友更相關 東平李漢卿草蟲卷二首絕七 以上皆

明注東平 黃公廟古五 案漢書云孺子待我於濟北

穀城山下廟當在此穀城在東阿東北此亦往東平

時詩 東湖次及之韻七古 續編 詩東州佳處詩已盡及

之劉濤夏津人東湖在號州卽韓昌黎之號州三堂

記者故詩及之 題商孟卿家明皇合曲圖雜言 商

孟卿家晦道堂圖二首絕七 送楊次公兼柬秦彥容

李天成律五 楊李無考秦卽西溪簡夫之子時爲黃冠

通真子銘河南破北歸平陽則次公亦歸平陽也

與張杜飲律七 仲梁仲經也詩故人寥落曉天星異地

相逢覺眼明世事且休論往日酒尊聊喜似承平二

人在東平 送輔之 李汝翼 見白樞判 書失其姓 還大梁

七律 贈答同年敬鼎臣 七律 敬鉉易州人 元史附見敬儼傳 詩爭教

塵土走東州 寄叔能兄 七律 賀威卿徐弟得雄 七律

威卿時在東平 同嚴公子大用東園賞梅 七律 按大

用或卽忠傑刻先生集者稱公子時未官 病中感

寓贈徐威卿兼簡曹益夫高聖舉 七律 續編 題劉才卿

湖石扇頭 七絕 才卿名肅洛水人入元官三 部尚書邢國公元史有傳時依嚴實 詩扇

頭喚起西園夢 惠崇蘆雁三首 七絕 詩故國春風早

晚歸又云江湖牢落太愁人同是天涯萬里身 惠

崇獐猿圖 七絕 附 釋惠崇建陽人見圖畫見聞志 箋

九年丁酉

四十八歲 寄泮禪師 七律 詩見說懸泉好薇蕨草堂

知我是隣翁此與贈蕭鍊師詩註皆云時汰佛老甚

急按元文類宋子貞耶律文正碑云丁酉汰三教僧

道當在是年 范文正公真贊丁酉四月獲觀於其

七世孫道士圓曦按此卽范鍊師在東平 太原昭

禪師語錄引丁酉八月予自大名回太原按此指自

冠氏回時非指至太原時 丙黃道中 七絕 北歸經

朝歌感遇三首絕七 贈蕭鍊師公弼七古 蕭名道輔嗣

太一第四代教元史佛老傳時在衛州 衛州感事

二首律七 痛衛州之敗而國遂亡也 望蘇門律七 興

福禪院記丁酉之秋見淨文於山陽金史地志河南東路懷州縣河

內修武山陽註興定四年以修武縣重泉村為山陽縣棣輝州集則通指懷州而言 蓋自河南

大名東平訪予而及之九月晦日 木菴詩序乙酉

當作丁酉在是年辨見乙酉 冬十月將歸太原侍者出木菴集求

序 羊腸坂律七 詩憑誰為報東州信今在羊腸路百

盤羊腸坂在太原北九十里見北史崔廓傳施箋 是歸

時詩 天井關七古 詩二十年前走大梁當時塵土困

名場指甲戌試沐不遇時也山頭千尺枯松樹又見

單車下太行是回時詩 蘧然子墓銘亂後子客冠

氏將還太原行有日又云丁酉冬復來東州而蘧然

子已下世云云據此則秋回忻州營居冬復回冠氏

未挈家也歸時遶道山陽蓋因有事復回則出天井

關取直道矣外家別業上梁文當作於是年回忻時

其云懷先人之敝廬可憐焦土蓋故居已失且於讀

書山營新居也東諸侯助草木之養則嚴趙兩侯俱

有資助王錄事寄草堂之資指王君璋時啟事西涼

未回故曰寄桃花三洞地在鳳山見兩山行記此即

讀書山 十二月十六日還冠氏十八日雪律七是

年仍在冠氏夏往東平秋回忻州營居畢冬復回冠

氏

附錄 寄答商孟卿七律○孟卿名挺左右司員外

師上柱國魯國公謚文定按元史本傳云北走依冠氏趙天錫與

元好問楊奐游東平嚴實聘為子師詩云異地五年

仍隔濶自癸巳至此五年也當由冠氏寄東平 送

杜子七律詩東原春好妓成圍來鴻去燕三年別深谷

高陵萬事非仲梁北渡自乙未始見集中至此三年

送其歸也 跋蕭師即公彌鷺鷥敗荷扇頭七絕 桐川

與李治仁卿飲七律詩已分故人成死別甯知樽酒對

生還桐川屬崞縣按元史李治傳云亂後北渡往來

忻崞間當是回忻時往崞重見

存疑 游黃花山七古以水簾紀異註癸卯九月四日

并詩中七年長路始一到句推之當在是年三月然

回山陽已是九月則三月無至黃華事也辨詳癸卯

十年戊戌

四十九歲

和仁卿演太白詩意二首

七律。仁卿李洵字敬齋

樂城人元世祖以學士召卒此是回東平後遙和

詩四十九年堪一笑

范鍊師贊戊戌之夏予過東平宿正一宮 傷寒會要

引往予在京師聞鎮平人李杲明之有國醫之日未

識也壬辰之兵明之與予同出汴梁於聊城於東平

與游者六年戊戌之夏予將還太原閏月望日書於

范鍊師之正一宮 別張御史七律註特立字文舉

別李周卿名慎三首五古詩六年河朔州動輒得謗訕

留別仲經

七律

詩若為還似浙江邊以上皆東平話別

出東平

七律

詩往來空置六年家 冠氏趙侯先塋

碑戊戌七月初吉記

雨夜

七律

詩六年真作賈胡留

酬韓德華送歸之作

五古

詩暑涂三百里是由東平

來冠氏送行

別冠氏諸人

七律

註戊戌八月二日詩

低眉常愧六年貧

題劉師立試帖後此詩予再到

崧山時見之搜訪一十年北渡後將還太原乃得之

王清卿

名仲元

家戊戌八月六日

千戶趙侯碑予客

平陽

當作陽平

歲戊戌七月以叔父之命將就養太原侯

不能別軍行河平

金史地志河北西路衛州河平與軍侯時南征元史駐兵蘄黃

之偕分道新鄉不覺涕之覆面也

再到新衛七律

年丁酉會到故日再

詩云伶俜十口值還鄉挈家歸也又云河

平千里筋骸盡更欲驅車上太行此時無住濟源意

蕭仲植長史齋七註修武作

馬坊冷太師名德

清真道院三首七絕

在修武入濟源寓舍七律註戊戌

八月二十二日詩未辨驅車上太行主人留此避風

霜與新衛詩應太乙蓮舟圖三首為濟源奉先老

師賦七絕即明道見通仙觀記

戊戌十月山陽雨夜

二首五古

為鮮于彥魯賦十月菊七律

彥魯居濟源詩

西風留客正此時事

七賢堂七絕

善應寺詩註前

游寺題壁有紅塵鞍馬幾時休句又七年矣此詩當

在甲辰再來洛西時逆溯在是年句見新樂府浣沙

詞望崧少二首七律詩西風落日山陽道空對紅塵

憶舊游

懷州子城望少室七律

詩十年舊隱歸何處

自戊寅至丁亥居崧十年又洛陽見說兵猶滿按綱

目是年宋孟珙復襄陽想洛陽尙戒嚴也

通仙觀

記戊戌秋予客濟上十二月初吉元某記

史邦直

墓表河內人卒於戊戌年十二月二十六日又七日而懷州亂按詩不見亂或卽平也史亦不見俟考是年春仍在冠氏夏至東平話別秋出冠氏挈家行至濟源入寓舍

附錄

呂國材家醉飲七律詩七年回首一長嗟又云

去國衣冠有今日七年憶壬辰在汴時也詩中螺台

未考

雲峽七古按元史王玉汝傳玉汝字君璋鄆州

人戊戌歲以東平之地分封諸貴賴其言得不分序云啟事西涼卽其事也詩當上半年東平時作 同

德秀求田燕川分得同字

七律續編德秀史庭玉居山陽

燕川屬濟源

辨正 千戶趙侯碑予客平陽此原書誤以陽平作

平陽而翁譜未之考也案先生生平未至平陽若至

六年不應詩文並無一字且陽平六年屢見於詩

皆在本年蓋自癸巳出都至此恰六年也又趙受之由冠氏

南征下段軍行河平分道新鄉其地皆離平陽絕遠

翁第據集書之會未用心耳夫史有關文其風已古

然第留闕以存疑不聞據闕以徵信蘇齋以考據自

命雖半字不敢更張不知抱疑自足時地多至於不通也考據之無益宜招物議耳

十一年巳亥

五十歲

巳亥元日

五律

詩五十未全老又云野史纔

張本 老人星贊巳亥正月予見之濟瀆祠二十七

日

游天壇雜詩十三首

七絕

按續夷堅志云巳亥四

月子自陽臺將之上方過天壇中巖洞

翁譜

卽其事也

天壇在王屋山游龍山詩云天壇避秦溝卽此詩註

有兒子叔儀時在濟源挈之來游 別覃懷幕府諸

君

七律

發濟源

五律

銅鞮次村道中

五古

詩武鄉有便

道故繞銅鞮境涉險良獨難又復觸隆景時以事便

道武鄉而繞銅鞮也金史地志銅鞮武鄉皆屬沁州

先生無夏從太行回者當是繞道所經 榆社硤口

村早發

七絕

榆社屬遼州

田侯燕子圖詩序巳亥秋

七月得之馮翊宋文通家此在道中

倪莊中秋

五律

註巳亥

初挈家還讀書山中四首

七絕

詩并州一別

三千里滄海橫流二十年休道不蒙稽古力幾家兒

女得安全欣幸之意見於言表次首從此晉陽方志

上繫舟山是讀書山則新居在別業非故居矣按翁譜引一統志云繫舟山在太原府城東北九十里禹治水繫舟此山故名有石如環俗曰繫舟元好問父德明讀書其下趙秉文改曰繫舟詩註云繫舟先大夫讀書之所卽其地也地近鳳山 外家南寺七絕註在至孝社兒時讀書處 讀書山雪中七古詩前年望歸歸不得指丁酉復來東州也去年中途脚無力將歸又留濟源也殘生何意有今年突兀家山在眼前一片欣幸之意 己亥十一月十三日雪晴讀書山

看月

七律

明日作

七律

是年夏由濟源游天壇回取

道潞州經銅鞮武鄉榆社挈家歸忻州

附錄

送母受益自潞府歸崧山

五律

答潞人李唐

佐贈詩

五古

宗人明道老師澹軒二首

七絕

潞州澹社

屢見於詩是同時過潞州之作按師住濟源而軒在

潞故有濟水分流語

十二年庚子

五十一歲

賦瓶中雜花七首

七絕

詩從此他鄉不是

春 杏花二首

七絕

註庚子歲南菴賦

庚子三月十

日作五律詩水際時獨往花邊知幾回是家居詩 東

山四首七絕註定襄詩去年風雪無多景指上年雪

同周夢卿名獻臣見衛生方序崔振之游七巖五律註定襄山有

七巖詩客路頻年別是初回詩 四月蒙古東平路

萬戶嚴實卒年五十九子忠濟嗣墓碑云四月卒五

月葬既葬二月子忠濟以請 五月二十四日蒙古

左副都元帥趙天錫卒年五十子賁亨嗣見墓碑

七月十四日金馮璧卒年七十九見墓碑 九月讀

書山用陶詩爲韻十首五古按第一首云大似丁令威

歸來歎墟墓疑是去年初回詩不知去年中秋方在

倪莊九月僅足抵家未能與鄰舍諸人遽如此欸洽

也又讀書山雪中方述前年去年之事不應九日不

及今考首二句云行帳適南下居人踞庭戶元史是

年命張柔等八萬戶伐宋應太原亦徵兵南下居人

避兵不出也按下年雁門道中詩則避兵在七月忠濟以七月見請而

十月始往亦是避兵則詩當作於是年第八首一別

半山亭回頭餘十年已丑闢秋林乃別山亭至此十

二年耳 十月二十日雪中過石嶺關七律按已酉石

嶺關詩行去行來又十年逆溯是此年時往東平

遽然子墓銘庚子歲除日 是年在家往定襄游七

巖十月往東平

附錄 春日書懷呈劉濟川七律○濟川偽齊劉豫之孫即九日讀書山詩

之劉公子 紫微劉丈山水為濟川賦七古 聚仙臺夜飲

五律 追賦定襄周帥夢卿家牡丹七律 餘慶堂七律

寄史得秀兼呈濟上諸交游七律續編 詩二年爭得厭青

山 送崔振之迎家汴梁五律 以上皆上半年詩 別

王丈從之七律 即王若虛當是經過藁城時之作 送

宋省參并寄潞府諸人七古 按元史宋子貞傳子貞字

周臣潞州長子人嚴忠濟襲爵奏授參議東平路事

省參之稱始此世祖朝至中書平章事 官園探梅

同康顯之賦七律 顯之名睦高唐州人東平教授二詩

應作於十一月後

十三年辛丑 是年十一月蒙古主窩闊台殂

五十二歲 故帥閻侯表名珍字載之上黨人 辛丑元日子方

客東平載之盛為具招余及大興張聖與祁人宋文

卿東光句龍英孺鎮人劉子新太原崔君卿渾源劉

文季壽春田仲德輩飲於家之養素堂客皆名士樂

府又京國之舊談謔間作座中無不滿引舉白者

與嚴大用萬戶元史嚴忠濟傳以其弟皆為萬戶而自統之此在辛亥後是時大用猶未

得萬戶也殆因第一書而追叙之第一書東原宿留幾半歲之久辱

公家賢昆季慰藉之厚愧無以當之孫德謙張夢符

張仲經澄子元史張孔孫傳字夢符父之純為東平參議按追錄舊詩之純仲經字又考東平學記云侯

名澄是忠濟已改名或仲經避而行之純也津送至魏京此恐指大名若汴則當云北歸

今東歸矣此書當在是年蓋因聘而往故有津送

贈別孫德謙七古按老學叢談盛如梓著云張寓齋即夢符相

公少與孫德謙於嚴侯府從元遺山讀書其歸也遣

二子送行及別求詩以東平為韻孫詩云云張詩云

汝伯年年髮如漆看渠脚踏與雲平施箋補載卽此時事

張詩不見 高平道中望陵川二首七絕註縣為先隴

城府君太和中舊治 野谷道中有懷昭禪師七律

太原七律詩十年弄筆文章府爭信中朝有楚囚自壬

辰知制誥至此十年以上三詩皆同時取道太原詩

代州門外南樓二首七絕詩東洛西秦往復回卽送

秦中諸人引所稱先人官洛陽以秋試留長安也是

年乙巳先生年二十下云三十三年恰再來年數適

合南樓月夕望鳳山有懷武鍊師子和五絕發南

樓度雁門關二首七絕過應州七律詩邊城三月三當作四

似窮秋應州寶宮寺大殿七律渾源望湖川見百

葉杏花二首七絕歸潛堂七律續編當為劉祁京叔及其

弟郁作雁門道中五古詩金城留浹旬此在金城一

住即回也去年四句指行帳南下郝先生墓銘辛

丑之秋當作於家

附錄 劉氏明遠菴三首七絕此為雁門劉克明作

辨正 游黃華山七古按是詩當在高平道中之前蓋

黃華嶺谷七年兩游前則三月後則九月按之諸年

無有合者惟嶺谷之游核歸丁未則是年三月到黃

華正由東平回太原所經之路且三月至此四月抵

家復往代州日月亦無不合也又游龍山詩云賤子

貪名山客刺已屢投黃花挂鏡臺天壇避秦溝太山

神明觀二室汗漫游則游黃華山在游龍山之前而

未提嶺谷則固在後耳又過應州詩邊城三月似

窮秋三字是四月之訛邊地苦寒三月似秋固無足

說惟四月而寒差為異耳且下云敵寒直欲御羊裘
 是寒尙未御證以渾源杏花詩四月山泉凍未開之
 句其為四月無疑蓋先生出關祇此年及癸卯繞道
 宏州二次彼則在秋此則在夏四月出關必無三月
 過應州之理正此一字則由雁門而應州而渾源而
 金城歷歷如繪乃知訛本之可恨也第七句十年紫
 禁烟花繞亦指壬辰斷為是年詩無煩喙矣 又集
 中有游龍山北岳詩正渾源相連地而雁門道中詩
 有金城住浹旬句是五月已回彼詩在七月固不合

也金史金城渾源皆隸應州 是年由東平回游黃

華山取道太原回忻州四月復出雁門至渾源金城

回忻州

附錄

別周卿弟_{七律}

別康顯之_{七律}

答公茂_{七律}

茂姚樞洛陽人時居河內世祖朝官至翰林學士承

旨謚文獻元史本傳云辛丑賜金符為燕京行臺郎

中卽此年

答晁公憲世契二首

_{七律續編}

晁名國章高

平人

賦澤人郭唐臣所藏山谷洮石研_{七古}當是過

澤州時作按中州集此研馮延登雷淵皆有詩則當

在前然題詩不必定一時也附此

十四年壬寅 是年春太宗六皇后乃馬真氏稱制

五十三歲 晨起 律七 註壬寅正月九日又詩註時欲

經營神山別業 神山在定襄此舉未成 夾谷公碑壬寅三月

將葬郝和尚以狀求 惠遠廟 在晉溪 新建外門記成

於辛丑七月明年五月記 寄菴碑 李平甫 壬寅某月

孤子治白陽翟歸葬於樂城又云自南渡以來登先

生之門者十年 都運李丈 有之。挽詞七律註歿於

壬寅夏六月 感興 律七 註夜宿讀書山作詩五十三

年等閒裏 元氏集驗方序壬寅冬閒居鄉里因錄

子所親驗者付搏拊輩使傳之十二月書於讀書山

之東龕按拊即長子叔儀搏則益之之子出繼承奉

君者也是時已回 是年家居

附錄 留月軒 五古 梨花海棠二首 七古 同白兄賦

瓶中玉簪 五古。白華字文舉號寓齋仕金官至樞密院判官金亡隨移刺瑗降宋後鄧州降

元得北歸金史有傳時與先生為隣居後至巳酉遷居真定

紫牡丹三首 七律 讀書山月夕二首 五古 舊與趙景

溫 七絕 詩回首梁園一夢中又云一別十年今又別自

癸巳出都至此十年 送王亞夫舉家歸許昌雜言詩

春風雨淮多鼓鼙是年張柔正攻淮也乙巳亦攻淮

未知何年附此 太原贈張彥遠七古詩并州城邊十

月末按孔道輔擊蛇笏銘亦彥遠屬在巳酉十月似

是一時然巳酉無十月至太原之隙或是年家居嘗

往太原送其入燕而已酉復在燕求銘也附考 張

彥遠江行八詠圖七絕註奉使時所見 跋紫微劉尊

師所畫山水四首七絕註時年八十六按劉至癸丑年

九十七則在此年 挽雁門劉克明七律詩兩年清坐

記圍爐指去年四月至雁門時尙寒也

十五年癸卯

五十四歲 十月七律詩十月長年見早梅今年二月

未全開 癸卯歲杏花雜言詩讀書山頭二月尾又云今

年閏年好寒節花開不妨遲一月 病中五律註因病

食豬肝動氣四月二十一日晨起書 癸卯望宿中

霍道院七律註定襄中霍村 曹徵君墓表壬辰之兵

君流寓宏州癸卯余自新興將之燕乃枉道過之

李峪園看雨雜言 游龍山雜言 玉泉二首七律 贈玉

峯魏丈邦彥

七律續編○魏璠宏州人見元史魏初傳

皆渾源作

七月

十二日行狼牙嶺

七律

十三日度岳嶺

七律

岳山道

中

七絕

北岳

七古

岳祠齋宮夜宿

五古

按此數詩是游

北岳詩北岳在恒州正往燕時繞道所經亦出雁門

過應州而此行無詩前游已盡則不復贅此集中例

也宏州金隸西京路縣順聖襄陰元隸大同路單領

襄陰即今蔚州也七月至此八月抵京道里日時皆

合自是此年事 宏州贈曹徵君子玉

七律

懷安道

中寄懷曹徵君子玉

七律

按懷安元初隸宣府此取道居

庸入燕之路 為耶律公祭先妣文癸卯八月五日

臨錦堂記

在燕京

癸卯八月劉公子觴余此堂

即

事呈邦瑞

七律○邦瑞李昌國臨潼人元史有傳

詩今年連醉兩中秋

以杏花詩閏年推之是閏八月也先生八月至燕者

惟此年時尙在燕 同知河間府張公表

緯文之叔

癸卯

秋九月某客燕中緯來乞銘 答中書令成仲書

成仲

名鑄耶律楚材

指作碑時

蓋從來使一到燕都

承命作先相公

耶律履見文類

別緯文兄

七律

即乞銘者

出都二首

七律

詩漢宮曾動伯鸞歌事去英雄不奈

何但見觚稜上金爵豈知荆棘卧銅駝次首歷歷興
亡敗局棋登臨疑夢復疑非追昔感今最為沈痛

通元大師李君碑癸卯之冬予自燕還太原道經范

陽 太古觀記癸卯冬予自燕都南歸范鍊師即在東平

正一宮者館予於慶源道院太古堂銘同 趙州學記歲癸卯八

月上丁釋菜如禮予過慶源趙州有慶源軍嘗往觀

焉 龍山趙氏先塋碑趙振玉時在慶源 癸卯十月侯介於

同官李稚川周才卿為余言 是年四月金玉若虛

卒年七十墓銘云癸卯四月化於泰山六月葬於新

興十月拜公墓下 五月蒙古中書令耶律楚材卒

年五十五子鑄嗣 是年仍家居秋出雁門游龍山

北岳至宏州入燕都冬回趙州

存疑 水簾記異雜言註癸卯九月四日同杜仲梁賦

按此再游黃華詩凡十餘首而是年方由京至慶源

斷無九月有隙至黃華之理則癸卯二字之訛也且

逆溯七年至丁酉亦不合辨已見前

附錄 跋右丞文獻公即耶律履着色鹿圖七絕 題文獻

公張果老圖七絕 詩中冷巖指完顏守貞金史有傳

賦南中楊生玉泉墨

七絕

按墨史楊文秀江左人子彬

得其法以授楚材楚材授鑄使造萬丸名曰玉泉

施箋

此皆在耶律家作

感事

七律

此與答成仲書合悔作

先相碑為燕人所罵也詩富貴何嘗潤髑髏

蜀昭

烈廟

七律

詩錦宮羽葆歸何處半夜樓桑叫杜鵑樓桑

在范陽即今涿州

普照范鍊師寫真三首

七絕

即慶

陽道院者

周才卿拙菴

七絕

為程孫仲卿作

雜言

按

示程孫詩云簡孫甫勝衣即其人也時先生五十九

第一首云六年念兒女逆溯在是年蓋簡孫方生趙

州與南宮近嘗一過也是是年冬詩

總附

先生至燕凡六詩俱附此

贈答趙仁甫

雜言

○仁甫名復雲夢人被掠至燕世稱江漢先生元史儒學傳

贈答趙仁甫

七律續編

贈利州侯神童

七古

利州屬北京路今山海關臨榆

縣地

贈張致遠

七律

詩茅屋蕭蕭潁水濱是崧前舊

雨原編在秋香亭詩前亦燕都詩

贈李春卿

七律

詩重

來已有明年約剗破都城幾往還

梁都運

名斗

亂

後得無盡藏詩卷同諸公賦

七律

趙汲古南園

七律

詩

林園近與六街隣

送曹幹臣

七律○曹楨金城人

詩燕市高

歌有此時 燕都送馬郎中北上七律 馬漢卿方鏡

七律詩連上或卽一人 空山何巨川虛白菴二首七律

巨川京師長春宮道士副郝經使宋沒於真州至正

間詔贈二品官見輟耕錄施箋 梁移忠詩卷七律 都運

斗南之子 梁氏先人手書七絕 歸義僧山水卷七絕

詩而今身落京塵底歸義寺在燕京遼建 歸義興

侍者溪山蕭寺橫幅七絕 國醫王澤民詩卷七絕 采

菊圖三首爲北京侯漕作七絕 龍門公劉敏宣德青魯人見大丞

相先塋及清安寺碑時 墨竹風煙二首七絕 贈高君

開府燕京元史有傳 用七絕 覃彥清名澄懷來人世祖朝官懷孟 飛雨亭

橫批七絕 薊北杜國寶以先人行狀見示題三絕七絕

爲檄子醵金二首七絕 續編 檄陝人字彥舉客死燕京

浩然雪行圖七絕 續編 詩雪礪冰橋去國情與壬辰出

圍城詩應

十六年甲辰

五十五歲 壽陽縣學記甲辰之春予歸自燕雲道

壽陽知有新學往觀焉歸自燕雲則未至黃華可知 宿張靖田

家五古註屬壽陽 滹水渠堰記始於壬寅八月又明

年指此之三月成予往觀焉 甲辰三月旦日以後

雜詩三首律七詩應接紛紛又浹旬自燕初歸也又云

從此他鄉不算春 郡守天池祈雨狀州析甲辰四月

二十四日 甲辰夏五月積雨遭悶二首律五兩山

行記甲辰夏五月八日予以事當至崞縣元屬代州後改爲州

初約定襄李之和名偕往適幕府從事宣德劉惠之

平陽李翰臣還軍官山過吾州遂與偕行是日行八

十里野宿天涯山前明日入縣劉李別去予獨游神

清觀舊聞廣甯王純甫棄官學道乃遣其徒和志冲

道姓名純甫欣然出迎已而之和至同郡莊鍊師通

元住天慶觀攜酒見過即日與純甫之和並山而東

出雁門之南夜宿王仲章瑞雲菴菴在鳳山之麓山

中來儀觀仲章主之道士孫守真年八十山中故事

多從此翁得之十一日仲章步送入山由真人谷行

半山一峯爲釣魚台其上爲十八盤爲青龍嶺爲風

門由風門而下繞劍佩峯之右爲來儀觀觀之東有

養虎峯飲虎及五斗二泉南有天柱峯峯之南有神

山與五臺境接西南有玉案峯西北有鍊丹峯洗藥

池次有玉女峯南有會仙峯北有王母池佩劍峯有

白虎池谷中有水簾朱砂白雲三洞青龍嶺旁有桃

花洞外家別業上梁文云近桃花之三洞指此觀北少西有青龍池門之

下有鳳游池中殿曰太霄山中靈景甚多或聞音樂

今年上元村落來燒燈者聞之之和持莊鍊師所餉

酒來約月中飲之是夜雷雨大作遂不果明日期城

中諸君不至又明日為前高之游 天涯山七古前

高山七首七絕 過寂通菴別陳丈七絕 註甲辰秋詩却

望都門一慨然陳名時可字秀玉燕人時為燕京課

稅官 甲辰秋留別丹陽七律 詩祖道都門復此留按

二首皆有都門此燕都之門也丹陽未考按金史地

志河東南路澤州縣高平有丹水此自是懷孟以北

澤州之地商州亦有丹水是時未至洛西去此更遠若由燕至洛取道亦

順而詩有千里關河動歸興句則是回忻中道偶爾

停留後復由忻往洛也此必燕南道觀惜無確據耳

善慶寺五首七絕 註前題寺壁又七年矣自戊戌至

此七年寺在山陽是由忻至洛所過 黃葵詩序甲

辰秋洛陽得黃葵子詩見 廣威將軍郭君墓表甲

辰冬子過洛西

顯武將軍吳君表同

仲文介教授吳子賢以請

洛陽

七律

千年河岳控喉襟一旦神州見陸沈洛陽

之破亦在壬辰追悼前事是再來詩

大簡之畫松

風圖為修端卿賦二首

七絕

詩新亭泣血淚沾襟一旦

神州見陸沈

贈修端卿張去華韓君傑三人六首

七絕詩洛西荒山有此客

過三鄉望女几村追懷溪

南詩老辛敬之二首

七律

高門關

七古○關屬永甯

詩許李

申楊竟何得只今惟有石灘聲註云許致忠楊湯臣

申伯勝李仲常隱盧氏時以多田推之亂後不知所

在矣

此由三鄉往內鄉之路

是年春家居夏至崞縣游鳳山

前高山秋至燕京回忻又至洛陽冬至洛西

附錄

趙吉甫西園

五古

詩王城比民居洛陽周王城

案趙即汲古燕人陵川集種德園記云置園別第則

與京之南園別一地

題山亭會飲圖二首

七絕皆重

至洛詩

寄英上人

七律

寄仰山書記

七律

答王輔

之

五古續編

詩君家潁水濱

贈麻信之

七律續編

詩洛西情

語意尤親

吳子賢

名仲傑長春人詩為鄧州教授

樛菴二首

七絕

上皆洛西詩案河汾詩張宇有送趙宜之歸辛安詩

是北渡後復歸洛也茲游無詩則死在前

十七年乙巳

五十六歲 與樞判白兄書自乙巳歲往河南舉先

夫人旅殯首尾閱十月之久幾落賊手者屢矣

是年張柔

掠淮此地或有滋擾狼狽北來復以葬事往東平連三年不得

甯居坐是不得奉起居之間去秋七月二十三日忽得足痿疾賴醫救得免比來數處傳某下世已有作祭文挽詞者恐殘喘無幾神先告之耳向前八月大葬之後惟有實錄一件只消親去順天走一遭破三

數月功披節每朝終始及大政事大善惡係廢興存亡者爲一書大安及正大事則畧補之此書成溘死無恨矣此書亦一關鍵而歲月未清首明言乙巳則疑書爲丙午之作而傳某下世一段核諸哭曹徵君詩則在是年且去年未回是年又有崢山之行不應十月之久尙有此隙也竊嘗以意通之所云連三年者當由去年至下年總言之大約是年由洛直至內鄉遷奉及夏回忻往崢秋因首尾復至內鄉冬又往東平也如此則去秋之足疾自指甲辰下云向前八

月則指丙午而下世之傳則在是年發書之前即首

尾十月句亦不悖矣 舊國律五望盧氏西南熊耳

嶺律七詩不到中鄉十五年辛卯尙在內鄉也又云時

爲顧存慙吏報註云先夫人墓故吏歲時致祭此正遷

奉時事 爲鄧人作詩律七詩再見州人本不圖又云

今是中原一布衣 贈張主簿偉律七詩莫向瓜田認

故侯 贈要襄叔二首絕七詩鄧下舊人多念我感君

兼有故鄉情 下黃榆嶺雜言此遷奉回時所經之路

蓋葬自歸葬書云復因葬事往東平者因此事而往

耳 甲辰秋洛陽得黃葵子種之南菴此讀書山之南菴是歸家

後見明年夏六月作花古七王無競題名記乙巳秋與

梁辨疑李輔之武伯佐游崢山祠金史地志崢縣有崢山八月

十一按此後當再至內鄉乃往東平若由忻往東平

當云東來不當云狼狽北來耳 乙巳九月二十八

日作絕五詩關山小雪後絮帽朔風前是路上詩 國

子祭酒馮君延登碑乙巳冬予過大名 大名贈答

張簡之律七贈張文舉御史律七時在東平教授新失

明元史本傳歲丙午世祖受王印賜號中庸先生諭

云年幾七十年老目病皆下年事此時諭尙未下故

稱御史也時年六十七雲巖七序乙巳冬來東平

過聖與張君之新軒為韓德華之子阿魯制字世

公七德華小女五歲能誦予詩以此為贈七手

植檜聖像贊乙巳冬十二月拜林廟還曲阜紀行

十首五感事五詩人皆傳已死余亦厭餘生此卽

書云傳予下世者是年由洛西至內鄉奉張太君

柩歸秋游崞山復至內鄉冬往東平出曲阜拜林廟

還東平

附錄 同姚公茂徐溝道中聯句五南關二首七

此祁縣南關也第一首一生幾度過隆州次首路轉

川迴失繫舟更教兩驛過徐溝多情團拍關前水却

共清汾一處流金史地志河東北路太原府縣徐溝

祁鎮團拍此正再來內鄉時路

辨正 紫微觀記乙巳九月落成請予記其事又云

侯名天錫字受之此天錫為其太夫人建也按元史

趙天錫傳戊戌征宋駐兵蘄黃間被病還卒於冠氏

年五十六又集中千戶趙侯碑銘戊戌南征駐兵蘄

黃間被病還以庚子夏五月二十有四日卒春秋五十與元史合惟壽不合耳而庚子至乙巳事隔六年忽又再生不特與元史不合卽本集已顯相牴牾竊嘗考之蓋乙巳是乙未之訛也冠氏趙侯碑云侯之太夫人資性善良夙尙內典卽建觀之張本而乙未則先生初至冠氏其時最合是集亥豕魯魚漫不可辨蘇齋尙奉爲彝鼎宜其多齟齬耳

定宗元年丙午

太宗長子諱貴由是年七月卽位

五十七歲 朝散大夫同知東平府胡公碑歲丙午

某過彰德

此當是回時取道

馬嶺

七古

註予去歲遷奉亦取

黃榆嶺路按二詩皆有石門金史地志澤州端氏有石門山是由彰德回時所經詩景尙寒當在正月也

皋落河東北路平定州樂平縣

益都宣撫田侯

名琢

蔚州人金史有傳

燕子圖三詩

七絕

序丙午春三月河東元某

題

此當在家

喬千戶

惟忠

挽詞

七律

墓銘云卒於丙午五

月十七 與白樞判書向前八月大葬 九月金曹

珏卒於襄陰年七十四墓表云君長予十七歲壬辰

之兵流寓宏州癸卯予枉道過之又五

當作

年予閒

居鄉里有傳予下世者未幾聞君九月之訃按此亦

大畧之詞傳下世固在去年 哭曹君子玉二首絕七

詩去歲流言到處疑聞君哭我不勝悲今年我在君

先歿淚盡荒城君得知據此則去年與白樞判書乃

有年月可核 丙午九日詠菊二首律七 卽事絕七此

第三子阿甯生也郝誌名振按先生新樂府阿中百晬日

詞云阿齡扶路阿中隨阿齡至己酉尙扶路則當生

於是年詩元家近日添新喜掌上甯兒玉刻成喜見

於詞矣註甯兒叔開小字阿茶第四女字叔閑核之

長子阿千字叔儀四子阿中字叔綱行派皆合惟第

二子阿辛無字則早夭也第四女卽第五女自第三

女阿秀死後又有第三女阿珍蓋死者不數也阿茶

卽辛亥擇婿之人此時能誦木蘭當九歲十歲矣

宋周臣生子三首絕七詩阿甯解語應須道猶是渠家

百日兒按阿甯不知生於何月然旣長百日則已從

東平回後此是寄詩 是年由東平經彰德取端氏

路回忻州八月葬張太君冬在家

附錄 王黃華墨竹雜言註爲郭輔之賦按輔之彰德

人曾與黃華為友是時未知存亡也然從前過彰德

無明據附此 贈答張教授仲文七古 仲文彰德教授

十月十四日往關南二首五律 按是年及戊申十月

俱在家不知何年 追懷曹徵君七律

辨正 曹徵君墓表又五年句五字是三字之訛自

癸卯又三年則是年丙午也若又五年則為戊申徵

君死已三年九月之訛是何人訛耶

二年丁未

五十八歲 朝元觀記在嶧縣 丁未春三月梁辨疑過

新興求記 藏雲袁君墓表丁未春芮城李邦彥過

吾州以斯文為請 丁未寒食歸自三泉七律 渾水源

在東山 圓明李先生墓表丙午八月卒明年夏四

月潘志元等來新興以請 耀卿西山歸隱圖三首

七絕 註馬卿為耀卿寫真未幾被召北上耀卿張德輝

冀甯交城人入元世祖朝官至中書省參議元史有

傳

辨正 按先生兩游黃華相距七年揆之小註多不

合前於癸卯存疑矣此行前游三月後游九月無論

或癸或卯固無安置即歷考各年絕少合者惟湧金亭在蘇門相距不遠應同在再游時考寰宇訪碑錄云湧金亭詩元好問撰正書定宗后稱制元年三月立於輝縣知此為先生親書原刻而翁譜所稱子見戊湧金亭石刻後題云己酉清明日崧陽王贊立石者則子襄之再刻也得此一證羣疑頓釋案定宗后稱制在丁未申其詩之作必在此一二年間去年丙午亦有彰德之行而逆溯七年為庚子三月則先生方在家有南菴杏花二首又庚子三月十日作無至黃華之事而由是

年溯辛丑則春由東平回忻取道瞭然已見辛丑又考重

修真定學記王指世祖以丁未之五月召真定總府參

佐張德輝北上元史及行狀俱合與題歸隱圖詩註相符詩

自當作於此時是先生於是年五月已至真定復由

真定至相州於情事殊合此雖集中無攷而惟此兩

年可以安放亦無據之據況夫蘇門詩之尙有據耶

今此下半年無事以鎮州詩合之已朗若列眉而水

簾小註之癸卯則丁未之訛也詩附後 龍興寺閣

七律。在真定城內宋端拱二年建中有銅大士像高七丈三尺五寸閣高倍之今尙存 出鎮

州七絕詩汾水歸心日夜流孤雲飛處是松楸無端行

近還鄉路却傍西山入相州鎮州即真定相州即彰

德水簾紀異雜言註癸卯今改丁未九月四日同仲梁賦

詩黃華絕頂探未窮道人曾約山櫻紅見游黃華詩又云

七年長路今一到逆溯是辛丑 欲谷聖燈雜言註九

月五日作 黃華谷十絕句七絕詩不妨五日未重陽

寶巖紀行五古 九月晦七絕與鎮州詩應 嘯臺感

遇雜言湧金亭示同游諸君雜言詩山陽十月未搖落

按集中凡河內之地皆稱山陽太行山之陽也此則

確指山陽縣又金史地志河北西路彰德府宋相州

縣林慮貞祐三年十月升為州有隆慮山漳水衛州河平軍縣

蘇門興定四年置山陽縣隸焉元史地志彰德路領

衛輝二州是蘇門黃華皆屬彰德并附備考 郭熙

溪山晚眺二首七絕憑君記取題詩處杖履適從欲谷

來 是年春在家夏往真定秋往彰德游黃華欲谷

冬游蘇門回忻州

附錄 人日有懷愚齋張兄緯文七絕詩明月高樓燕

市酒梅花人日草堂詩上句指癸卯下句指今書也

自癸卯至此年人日始在家 酬中條李隱居邦彥

五律○河東南路解 送邦彥北行五律 壽張復從

道雜言續編 從道為頤齋德輝之子此作於真定 過邯

鄆四絕七絕 此由鎮州往彰德所經 過濁漉城與趙

尚賓談山陽舊事七律 此當由蘇門回時所過金史地

志修武有濁漉城舊事當指覃懷亂事也史無可攷

附此以俟 贈史子桓尋親之行七古續編 考陵川集郝

伯常撰 送太原史子桓序丁未冬過保即順天 適燕則當

作於是年回忻時

蒙古定宗后稱制元年戊申翁譜作定宗二年○是年三月帝殂后海迷失始稱制

五十九歲 示程孫四首五古詩并州望南宮東南千

里餘是至南宮詩南宮廟學上梁文應作於是年 第二首生女四十

年逆溯是己巳時先生二十歲第四首會聚樂不貲

言別悽以惻是一至即回又云明年吾六十 大司

農丞康君墓表戊申九月予過甯晉此由南宮回時

所過 是年在家夏往南宮秋至甯晉回忻州

附錄 贈郝萬戶七律續編 元史本傳郝和尚拔都太原

人戊申還治太原 別董德卿七絕 董南宮人先生同

年 客意七絕當自甯晉回時

存疑 清真道院營建疏戊申六月按清真觀記地在修武之馬坊疑此年曾至修武然此地先生無專至者或別一道院也

二年己酉翁譜作定宗四年

六十歲 三皇堂記在太原己酉初吉 己酉四月度

石嶺七絕詩行去行來又十年逆溯是庚子按是年始

居鎮陽此出鎮陽作 中州集後序云己酉秋得真

定提學趙國寶即振玉始鋟木以傳 自題中州集五

首七絕 楊叔能小亨集序今年小亨集成其子見子

鎮陽以引為請予既以上語為引又申之種松之詩

秋八月初吉 種松五古 信武曹君墓表己酉秋九

月子以事來燕都 恒州刺史馬君碑九月晦子三

達以請 真定學記十月朔旦 孔道輔擊蛇笏銘

彥遠屬予作銘己酉十月皆在燕作 剛敏王公碑

己酉十月子元慶以請王定州人當在順天 贈答

郝伯常七律○已見篇首仕元賜翰林學士使宋被留十五年歸卒謚文忠元史有傳 案集

後郝經原古上元學士詩作噩建子月投我以照乘

卽指此詩時居順天 毛氏家訓跋已酉冬予還自

燕幕府館客勤甚 指順天萬戶 十一月二十六日姪

婿元某歛衽書按此卽與白樞判書所云往順天走

一遭者欲修實錄 是年第四子阿中生按先生新

樂府兒子阿中百晬日定風波詞云六十平頭年運

好大兒都解把鉏犁阿齡扶路阿中隨按大兒卽阿

千小字叔儀時二十一歲阿齡卽阿甯小字叔開時

年四歲此阿中卽叔綱常山妣詩云回頭却望元叔

綱註云遺山之季子者也是時先生有四子特第二

子阿辛殤耳 是年春在家夏出居鎮陽秋至燕

至順天還鎮陽

附錄 過威州鎬厲王故居 七絕 威州卽莽陘是來鎮

陽詩 鎮州與文舉百一飲 七律 按集有兩文舉一張

特立一白華然張已失明東州又遠且賜號中庸不

必復稱其字此則白也百一王鶚曹州東明人金正

大元年狀元入元官至翰林學士御史元史有傳先

生回鄉後惟出都及此詩最沈痛蓋皆金源遺老不

覺感觸至此也詩云只知終老歸唐土忽漫相看是

楚囚日月盡隨天北轉古今誰見海西流 李成之

趙孝先王彥華以提學命見餉佳酒古提學趙振玉

送王彥華古以上在鎮陽 西山樓為王仲理賦

二首七絕西山屬鹿泉 燕省椽屬張彥通舉釋菜之

廢仁卿以詩美之亦賦二首七絕按李仁卿時授館於

封龍山 無塵亭二首七絕註時仁卿尚未至燕 贈答

樂丈舜咨七律○詩雞川已許濯纓塵雞川在順天

金史先生本傳乃言於張欲為撰述指國史為樂夔所

沮時樂在順天也 聽姨女喬夫人張柔女適喬惟忠之子璠先生

號曰靜華君 鼓風入松七律 喬夫人墨竹二首七絕 喬夫

人綵繡仙人圖七絕 出山像七絕

三年庚戌

六十一歲 忻州天慶觀記庚戌春二月予還自鎮

州 二月十五日鶴古在天慶觀 十七史蒙求序

始余二十許時住太原學舍後三十七年予過鎮陽

見張耀卿得而序之庚戌五月晦日 友山亭記庚

戌夏李參軍自汴梁來請 順天即今保定府營建記庚

戌秋八月予過順天 陶然集序庚戌重九日是回

家後作 天慶觀王尊師墓誌以庚戌冬十一月十

八日留頌而逝

天慶觀在忻州案上天慶觀記云去冬留頌而逝與此不合未知孰誤

鹿泉新居

七律

按先生之卒卽在此地是亦一關鍵

考唐書地志河北西路真定府獲鹿縣天寶十五年改名鹿泉又元史地志真定路唐恒山郡又改鎮州縣獲鹿太宗在潛邸改西甯州卽位七年復爲獲鹿縣隸真定是真定一府皆爲鎮州而獲鹿於元則爲甯州也詩甯州假館又兩年去年己酉今年庚戌皆居鎮州自賣書買得呂氏園乃得安居其意甚顯篇

中靈巖龍泉皆此地之山與泰山不同抱犢亦此處

之山與盧氏不同李相

宋相名昉

讀書龕在封龍山野史

亭亦懸擬之詞後不在此地此居當是由順天回時

所建集中凡言鎮陽者準此 是年春自鹿泉還忻

州夏出鹿泉秋至順天回忻州

附錄

十一月五日暨至西張

七律

註忻州西張村此

與金地志在壽陽者異詩四十年來此寒苦凍吟猶記隴關亭亭詩不見然是指庚午隴城護喪時事至此四十四年

蒙古憲宗元年辛亥

諱蒙哥拖雷長子是年六月即位

六十二歲 辛亥寒食五絕 跋閑閑書赤壁賦後夏

五月以事來太原宿大悲僧舍十二日 辛亥九月

未見菊七絕 真定教授常君仲明墓銘辛亥九月晦

自太原來過仲明之門仲明已下世十餘日九月十日卒於

真定任所 常仲明教授挽詞七律 張萬戶名柔字德剛入元官至行

軍萬戶封蔡國公延祐五年加勳德第二碑歲辛亥

冬行軍千戶賈侯輔蒲陰人官至萬戶見元史子文備傳以第一碑見

示 續夷堅志辛亥冬余與毛正卿德義郝伯常劉

敬之諸人游順天寶教院聞寺僧說龍事翁譜 與同

年敬鼎臣宿順天天甯僧舍七律詩三十餘年老兄弟

自辛巳登科至此三十一年 善人白公表辛亥十

二月河曲白某以狀來請 第四女配婿祭家廟文

辛亥十二月十四日先以庚戌八月得張氏之子興

祖為婿按此即阿茶第五女也婿與郝碣不合 是

年春在家夏至太原秋至真定冬至順天回忻州

附錄 野史亭感興五古按翁譜亭今在忻州十里韓

巖村不在鹿泉 九日入府得曹子凶問作詩二首

七律續編曹子即通甫見歸葬疏府指太原九日在太原

者惟此年 贈寫真田生田景延清苑人三章七絕詩燕南只

道丹青好 常生姝生四十月能詩七古按善人白公

表孫常生尚幼云云表作於是年與詩合常山白樞

判華之子叔綱時年三歲詩有金粟岡是真定作

二年壬子

六十三歲 祁陽劉器之以墨竹名今春游鹿泉為

余寫真賦二十韻答之五古續編詩去國二十年自癸巳

出都至此二十年 寒食七律註壬子清明後 壬子

寒食七絕送高雄飛序高晉產也壬子秋二十七日

元史本傳高鳴字雄飛真定人此三字誤少以文學知名

河東諸王旭烈兀將征西域遣使者三輩召之乃起

即其事也惟真定非河東當以本集是正世祖朝鳴

官至吏部尚書 過臬州寄聶侯七律續編金史地志平

定州樂平縣興定四年升臬州聶名珪時為平定帥

九日登平定樓故基樓即閑閑公所建七律平定

鵲山神應王廟七律游承天懸泉雜言續編註閑閑

公守平定以大安庚午來游今四十四年矣 鄉郡

雜詩五章七絕註文字中以平定爲鄉郡詳篇首詩見

說陽泉好春色老夫乘興欲東來 陽泉棲雲道院

五律嚴公祠堂碑壬子孟冬公之子走書幣及子於

鎮陽 蘇彥遠銘真定人二月葬當作於過真定時

東平賈氏千秋錄壬子冬十月自真定來東原

賈漕顯之東城中隱堂七律南峯先生銘壬子之冬子

天民冠氏主簿以墓表見屬 御史張君表子東平經歷

張昉請張字顯卿汶上人元史有傳通奉張君碑壬子冬十月

子翔以請以上皆在東平 壬子冬至新軒張兄聖

與求爲兒子阿平制名余命之曰琥以仲耽字之七古

贈蕭漢傑七律序壬子冬與予相值於東原 中庸

先生垂示先大夫教子詩七律賀中庸老再被恩綸

七律按此卽張特立丙午已賜號也元史本傳壬子復

降璽書卽是年事 壬子月夕五律詩今年復遠游又

云遙憐小兒女把酒望東州 柳亭雨夕與高御史

夜話七律註高曾任御史北渡後謀還保塞而困於無資

者二十年矣清苑宋名保塞自癸巳至此二十年按

陵川集高嶷字士美金亡入燕則時在燕 是年春

往鹿泉夏在家秋至平定冬過真定至東平復至燕京

附錄 李進之迂軒二首絕七 太谷人真定教授與耶

律書太原李謙卽此與元史李謙各一人 付何耽

誦雜言○元史商挺傳長子琥字台符此殆其小名耳

三年癸丑

六十四歲 留贈丹陽王鍊師三章絕七 詩是春令春

至燕回者惟此年 商氏千秋錄癸丑二月吉日是

回鹿泉時作 送崔夢臣北上七 序夢臣崔卿玉樹

清姿土門華胄井陘口名土門口 癸丑二月望日新興元某

題時白燕回鹿泉 鳩水集引癸丑清明是在家作

寒食靈泉燕集引序出天平北門三十里是爲鳳

山之麓昭陽薦歲惟暮之春諸君子以僕燕路言歸

東藩應聘託德華韓 周卿李 德昭靖 英孺句龍 期而不

至者聖與張 子中劉 不期而至者德謙孫 夢符張 按

此八人皆東平之客蓋奉命來聘者賢侯重士亦已

至矣 與嚴大用第二書自西歸鹿泉值仲女病劇

奔詣太原仲卽女嚴時在太原 留百許日自二月望至四月末無百日此約計之詞

僅得勿葑即欲東行繼聞相君此指忠濟北上且留待他

日諸餘張婿能言之時暑強學為親加愛不一某再

拜此答聘之書 答聰上人書四月末自太原來鎮

州又云貞祐甲戌南渡時犬馬之齒二十有五今四

十年矣 賈氏怡齋二首七律續編賈仲德武川人居燕

見致樂堂記 致樂堂記癸丑之夏予以事來故都

五月望日文指燕都劉時舉節制雲南七古按元史世祖

紀壬子奉命征大理癸丑十二月入大理以劉時中

為宣撫使即此此其去時也惟名不合 王黃華墓

銘癸丑歲夏六月某客燕中 跋閑閑樂善堂詩癸

丑六月 跋耶律浩然山水卷七律詩六月三泉松桂

寒西風早晚送歸鞍此即浩然師時在燕欲回也

跋紫微劉尊師山水今年九十有七癸丑冬十月郡

人元某時已回忻宣武將軍孫君墓碑癸丑之冬余以

行臺之召東來 張彥寶陵川西溪圖七古註此縣為

先君子舊治宴游西溪僕以童子侍焉感今追昔為

之愴然癸丑十一月三日此在東平作 是年金張

特立卒年七十五元史是年春自燕還鹿泉又至太

原夏來鹿泉往燕回冬至東平

附錄 送張書記子益同嚴相北上七古恐是寄詩

王敦夫祥止菴七律○即致樂堂記之王惇甫燕人武善夫東阿桃

溪圖二章七絕案河汾詩陳賡題此圖有自從玉勒入

雲馭句與此詩軟塵紅土句合是善夫已至燕也次

首金罽毳毳六月寒與跋浩然詩同韻應次其後

柏鄉光武廟七絕續編此取道唐山往東平之路

四年甲寅

六十五歲 賦邢州鵲山雜言詩去時唐山道望望鵲

山背今朝西北看奇秀益可愛按先生過邢不一

而來去皆經者惟此年蓋由太原往返東平或出太

行之東或繞太行之西從未有出一路者惟去年往

東平取道唐山僅見鵲山之背今年由邢取道故關

愈見奇秀也由東南來故曰西北看是同時詩移不

到別年 甲寅正月二十三日故關道中三首五律詩

千里不易到三冬須少留又云殷勤行記上今日是

東州去年東平過年今年始回也又云六十復半十

按劉效祖三關志故關東去井陘縣四十里西去平

定州八十里

施箋

臺山雜詠十六首

七絕

註甲寅六月

夜宿山中

七絕

題蘇氏寶章

七絕

跋蘇氏父子墨

帖甲寅閏月十七日

清涼有二此即五臺跋叔党帖閏月十八

嵩和尙

頌序甲寅秋七月予自清涼還太原

甲寅九日同諸

人游龍泉僧顯求詩二首

七律

十日作

七律

新軒樂

府引甲寅十月望日

張仲經詩集序甲寅冬至日

二序作於家時仲經已死

甲寅十二月四日出鎮州寄宰魯伯

五律○名沂洛陽人

是年春自東平回忻夏游臺山秋還忻

復出鹿泉回忻十二月復出鹿泉

附錄

赤石谷

七律

贈答普安師

七律

詩入座臺山景

趣新

超然師寂晦菴

七絕

三詩在臺山

五年乙卯

六十六歲

贈仙翁王道成

七律

詩梁苑如今不算春

是在汴作

出都

七絕

詩官柳青青莫回首短長亭是

斷腸亭是自汴回詩

內鄉詩序乙卯二月二十一

日歸自汴梁二十夜久旱而雨偶記內鄉一詩今三

十年矣

此指丁亥實二十九年言三十者偶舉大數言也

乙卯端四日感

懷

七絕

壽聖院記今年夏來燕城

時寓此

僧洪倪云歲

丙午諸人以第一代見請今十寒暑矣此連寒暑計則在庚戌順

天府營建記之前較合附此濮州刺史畢侯碑乙卯秋八月予

來自鎮陽東平參佐王君璋以其子請約嚴侯泛

舟七律詩是秋作秋在東平者惟此年東平府新學

記成於乙卯六月九日朔記陸氏通鑑序為歷亭州將張

晉亭作張字進卿南宮人從嚴實歸元官萬戶元史有傳秋九月望日以上皆

在東平乙卯十一月往鎮州五律是年春往汴梁

歸夏往燕京回鹿泉秋往東平回忻州冬出鹿泉

附錄 馳羅峯二首七律詩念念靈峰四十年自丙子

南渡至此四十年夜宿秋香亭有懷木菴上人七律

詩兄弟論交四十年亦指丙子龍門初見時與馮

呂飲秋香亭七律詩更在京塵瀕洞中

六年丙辰

六十七歲題許汾陽詩後丙辰夏六月二十一日

跋東坡和淵明飲酒詩後丙辰秋八月十二日

丙辰九月二十六日挈家游龍泉七絕楊奐碑卒於乙卯

九月一日丙辰冬予閒居西山之鹿泉是年回忻家居

秋出鹿泉

七年丁巳

六十八歲 張村杏花絕七註丁巳二月初二日 如

菴詩文序壬辰五月十二日薨後二十六年連壬辰計二十

六年集中計年准此為例此集再刻於大名門下士河東元某記

告山贊禪塔師銘丁巳五月二十五 跋張仲可

東阿先賢記丁巳夏五月廿六 琴辨引丁巳八月

初吉以上皆在鹿泉 尙葯鼻辨文壽塚記丁巳秋

予將西歸 九月四日先生卒於獲鹿寓舍馬鼻歸

葬於忻州韓巖村是年為宋理宗寶祐五年後三年

庚申始為蒙古世宗中統元年

總附 先生自己亥回鄉後所至不一地所接不一

人無年可編者悉附於後蓋皆閒適之音其哀傷感

痛時或一見抑已寡矣 哭延孫五古此在六十以後

當是女珍之子 換得雲台帖喜而賦詩七古醉後

走筆雜言詩湘纍歸來弔故國 五月十一當作日樗

軒老忌辰追懷七律詩宗國河山半夕陽 遣興五律詩

但留強健在老矣復何求 四哀詩七律○李欽叔冀京父李

長源王仲澤 過詩人李長源故居七律 讀李狀元李演字巨

川任城人泰和六年進朝宗禪林記律七清明日改

士第一丁憂居鄉死節律七感寓律七註李仁卿見前楊

葬阿辛律七是先生第二子律七樂舜咨見前張緯文見前

正卿名果蒲陰人入元官參知謚文獻元史有傳存歿律七註辛老敬之劉兄景元律七追懷趙介叔律七即

趙思文子克剛見通奉趙公碑律七追懷友生石裕卿

戲贈白髮二首絕七自題二首絕七曉起絕七

感興四首絕七詩夢中驚見白頭新信口成篇却自神

摘瓜圖樗軒家物二章絕七詩憑君莫話前朝事

十月二十日雪絕七書貽第三女珍絕七此第四女

走筆題十老會請疏絕七詩天教鄉社送餘生論

詩三首絕七同兒輩賦未開海棠二首絕七同梅溪

賦秋日海棠二首絕七讀漢書絕七詩莫從興運論人

才以上皆懷人即景之詩律五同冀文明秀山行律五

庫城律五詩年年一來此老我亦何心地未攷晉溪

元都觀桃花律七詩明日新詩滿晉陽講武城

地未攷絕七二十六日蚤發安生道中雨木冰絕七

秋江曉發圖絕七僧寺阻雨絕七金山絕七以上

皆行役詩臨汾李氏任運堂二首古五題石裕卿

郎中所居四首絕七 劉君用可菴二首絕七 胡壽之待

月軒三首絕七 邢文炳心遠齋二首續編五律 寄題沁

州韓君錫耕讀軒續編五古 郭大方自適軒絕七 以上皆

過從詩 送七唐佐董彥寬南歸古七 註且為潞府諸

公一笑詩言河汾碑事即銅鞮次村道中所觀也唐

佐名穀英見丙戌 送七唐佐還平陽雜言 唐佐時館

平陽張魏卿家詩云覃懷變生十載後我時避兵方

北走十載後跟上龕羅初見而言自丙戌至戊戌凡

十二年北走指已亥北歸也然詩無避亂意已見戊

戌 醉中送陳季淵雜言 季淵號畸亭許州人 送田

益之同周帥西上二首律五 婁生北上律五 七月十

六日送馮楊善提領關中三教律五 送閻子實焦和

之北上律五 送文生西行律五 送楊叔能東之相下

五律續編 送周夢卿之關中律七 即田益之同時 答石

子章因送其行律七 甯椽端甫元官至侍郎見張立道傳 北上律七

送樊順之律七 定襄人 送端甫西行律七 送武誠之

往漢陂律七 孝純姓張名朴 宛邱屬陳州 遷奉律七 曹壽之

平水之行律七 曹名松年隰川人平水屬絳州 送劉

子東游律七 卽仲脩 送子微二首律七 李微雲中人詩

老年鞍馬不勝勞 蘭文仲名光庭 郎中見過律七 詩

皇居鬱鬱今何在 送奉先從軍律七 續編 以上送行

之作 贈張潤之古七 沐禪師自斷普照瓦為硯以

詩見餉和二首非五 詩寺廢瓦不毀是亂後詩 示白

誠甫律五 樞判之子 寄答飛卿律七 答吳天益律七 續編

詩兵中曾共保崧邱 德脩家兒子律七 續編 寄楊弟

正卿律七 註正卿西庵以名酒甲洛中 寄劉繼先律七

○名述 太原人 答定齋李兄律七 詩滄海揚塵幾今昔 和

白樞判律七 贈答雁門劉仲脩律七 克明子 寄答劉生

仲脩子 寄謝常君卿律七 贈答平陽仇舜臣律七

益甫曹弟名之謙號兌齋 見過律七 續編 贈李文伯律七 續編 贈

任文耀卿律七 續編 乞酒示皇甫季真律七 藥正卿餉

酒律七 絕 贈羅友卿三首律七 絕 贈絕藝杜生律七 杜生

絕藝律七 絕 以玉連環為呂仲賢壽律七 絕 從孫顯卿覓

平定小山律七 絕 王希古乞言律七 絕 贈李子範家兒子

絕 寄杜莘老雲中人 三首律七 絕 書扇贈李湛然律七 絕

贈司天王子正二首律七 絕 贈訾子野高士三章律七 絕 訾

名洞春 戲相師七絕 與西僧倫達二首七絕續編 以上

皆酬贈之詩 世宗御書田不伐婆羅門引七古 詩承

平舊物霓裳譜 許道甯寒溪古木圖七古 註為翟器

之賦 智仲可月下彈琴圖七古 奚官牧馬圖息軒

畫七古 汾亭古意圖七古 杜莘老畫 題劉紫微堯民

野醉圖雜言 詩迴望康衢一慨然 定齋兄寫真六言

趙士表山林暮雪圖為高良卿賦二首七絕 詩好似玉

溪溪上路醉和王老指王德新 喚船時 趙大年秋溪戲

鴨二首七絕 詩前日扁舟吾老矣 題李庭訓名過庭武亭人

所藏雅集圖二首七絕 詩誰畫風流王李郝註王仲澤

李長源郝仲純名居中 皆井州人 劉壽之買南中山

水畫障七絕 李廣道寫真二首七絕 錢過庭烟溪獨

釣圖二首七絕 詩詩人無復承平舊重為遺音一慨然

蒼崖遠渚圖二章七絕 詩竹帛功名一筆無殘年那

復計榮枯 隱秀君山水為范廷玉賦七絕 息軒楊

秘監雪行圖七絕 息軒秋江捕魚圖三詩七絕 詩玉堂

人物今安在紙尾題詩一慨然息軒楊邦基華陰人金史有傳 楊

秘監馬圖七絕 息軒 詩忽見奚官憶前事東華馳

道晚涼時又一首十四卷詩忽見畫圖疑是夢東華馳道

麝香驄 七賢寒林圖七絕詩題詩記取崧前事絕似

馮雷入少林 李仲華湍流高樹圖二詩七絕題劉

威卿小字難素冊後二首七絕龐都運名鑄字才卿遼東人金史

文藝傳山水卷七絕馬雲卿紙衣道者像七絕武元直

秋江罷釣圖七絕詩殘年何計得隨君 楊秘監雪谷

早行圖七絕詩息軒畫筆老龍眠 雪谷早行圖二章

七絕詩貞元朝士今誰在莫厭明窗百過看 題馮漕

綏之碩人在軸橫幅七絕杜莘老夏日汾亭橫軸七絕

子和即武鍊師麋鹿圖七絕續編以上皆題畫詩 綦威卿

挽詞五排忻州人詩通家仍李孔知已與王田 挽趙

參謀二首五律續編即振玉此在已酉刻中州集後 嗣

侯大總管哀挽二首五律續編 岳解元生日七律○日當作子

弔岳家千里駒七律哀武子告七律哭樊帥七律

慶高評事八十之壽七律超然王翁哀挽七律玉峯

魏丈哀挽七律趙元德御史之兄七秩之壽七律工

部侍郎趙公最樂堂銘高平趙公即此下世日作七絕賀德卿王

太醫生子七律續編 李子範生子七絕續編 岳邦獻壽七絕

續編以上慶弔詩 右集共編詩一千二百七十九首

附論

郝碣云前配同郡張氏戶部尚書林卿之女再配臨清毛氏權貨司提舉飛卿之女是先生凡兩娶也張縣君之歸不知何年然程女生於衛紹王大安己巳則當前一二年或在丁卯天慶觀記云年十八乃一歸此亦其時也死於哀宗正大八年辛卯先生年四十二歲洛陽衛良臣以星圖見賦詩牽牛只有支機石送與天公折聘錢時已有再娶意然辛卯人都王

辰癸巳即逢喪亂斷無暇及毛縣君又臨清人

毛氏宗支

記由大名遷彭城則在北渡聊城後矣先生卒時毛當尙存

又按先生四子碣只載其現存三人長曰拊奉直大

夫汝州知州兼管諸軍奧魯勸農事者此即阿干

見阿

千始生詩小字叔儀

南冠錄伯男子叔儀游天壇詩註兒子叔儀

生於正大六

年己丑先生卒時年二十九歲張出次子阿辛

清明日改

葬阿早天次日振仕至太原參佐者即第三子阿甯

即事詩掌上甯兒玉刻成小字叔開

即事詩註

生於蒙古定宗元年丙

午先生卒時年十三歲次日搃尙書都省監印者此

卽第四子阿中

見先生新樂府阿中百醉日定風波詞不見集中

小字叔綱

常山妣生四十月詩回頭却看元叔綱

生於定宗后稱制二年己酉先

生卒時年九歲皆毛出女五人長曰真適進士東勝

程思温者

御史程震飛卿之子見集中御史程君表

此恐有誤集中有書

貽第三女珍詩不應姊妹同名案秋蠶詩在崧山時

作有阿容阿璋墨滿面句此當是阿容或字叔容也

生於衛紹王大安元年己巳先生卒時年四十九歲

次嚴女冠詔爲宮教號浯溪真隱者此當卽阿璋或

字叔嚴叔璋皆未定生未載其年然先生卒時亦當

四十餘歲矣次順早卒此卽阿秀

孝女阿秀墓銘

或其小字

生於宣宗興定三年己卯卒於哀宗開興元年壬辰

三月年十四皆張出次適成和郎大都惠民司提點

太原翟國才者此卽第三女阿珍

書貽第三女珍詩

實是第

四阿順已死不數故稱第三生亦不知其年次適建

德路織染局大使定襄霍維祖者此卽第四女阿茶

小字叔開

卽事詩註阿茶第四女小字叔開

生亦不記其年然卽事

詩作於丙午此時能誦木蘭約當九歲十歲至辛亥

擇婿已十五六歲計至先生卒時亦當二十一二歲

矣皆毛出惟婿與集不合按辛亥為第四女配婿祭
 家廟文云先以庚戌八月擇配得世官張氏之子與
 祖為婿又與嚴大用萬戶書諸餘張婿能言之雖未
 著為何處人然已明是張興祖則霍維祖或即張興
 祖之訛也若是再適亦當明書前適某氏再適某氏
 如六朝碑版之例竊疑郝碣於先生行止原非了了
 不如據本集為定也碣內天興初入翰林知制誥考
 史及本集祇東曹都事知雜無
入翰林事蓋制誥在東曹者
 司之非入翰林也并正其誤
 先生從業之師祇郝天挺一人至座師舉主受恩最

深者莫如趙閑閑秉文餘若密國公壽侯蕭國摯楊
 之美雲翼馮叔獻璧王從之若虛李寄菴平甫先生
 皆師之至李屏山純甫輩行雖尊則友之矣汴京所
 交雷希顏淵王仲澤渥李欽叔獻能冀京父禹錫見
 內
翰馮公碑至答聰上
 人書有辛愿無京父最為密契渡河而後則辛敬之
 愿趙宜之元劉景元昂霄皆崧山時友而麻知幾九
 疇又過從於鄆城者也又平昔所稱最見愛者三人
 敬之而外復有李長源汾李欽用獻甫見遠然
 子墓銘內鄉
 之官則張仲經澄杜仲梁仁傑高信卿盤麻信之革

康仲甯國皆往依之而劉光甫祖謙亦相從文字焉

北渡以來凋殘畧盡東州六載惟張仲梁猶是舊

交餘見於詩者楊叔能楊煥然二人而已又考與耶

律文正書自耆舊馮叔獻梁斗南王從之僅存三人

外集中所見尙有王百一鶚張君美徽李庭訓過庭

李欽止獻卿樂舜咨夔李輔之汝翼魏邦彥璠張聖

俞張緯文緯李進之謙張耀卿德輝高雄飛鳴李仁

卿治胡德珪敬鼎臣鉉李微之微楊正卿果徐威卿

世隆曹居一劉京叔祁商孟卿挺句龍英孺瀛及婿

程思温二十三人較所列之四十九人尙未得半也

鄉里言旋仍勞鞍馬杖履所至冠蓋為傾然亦率爾

應酬無關肝膈張文舉特立白文舉華曹子玉珏常

仲明用晦追叙舊游猶多真意此外則李周卿楨楊

飛卿鵬詩酒之友抑其次焉至人元名宦如宋周臣

子貞姚公茂樞劉才卿肅世祖之代咸奮經綸而遇

合已遲先生亦不復見所以交遊遍天下而遽然一

碣尙歛噓於知交之零落也大抵金源文學末流為

盛生平心折亦在於此若乃龍興朔漠以甲冑為詩

書制作之任祇耶律文正一人門下之稱尙論勢位

文正長先生一年餘子卑卑無甚高論矣讀漢書詩云室方

隆棟非難構水到頽波豈易迴豐沛帝鄉多將相莫

從興運論人才論其世知其人是亦考古者所宜講

也

又先生薦達固在楊趙而癸巳北渡全賴文正非有

人焉亦難從容以至河北也案四月廿九日出京至五月三日居青城者凡

五六日觀移居詩第四首瞑目就束縛攘臂留空橐語不無摧抑然第二首尙有百本書第三首羅列故

物則家具未失也施箋引歸潛志劉祁以四月二十日出城復回至五月廿二日始北渡與此不同者蓋先

生是官自不與三教醫匠人一例處置也至聊城冠氏始依嚴帥繼託趙

侯築館授餐厥禮尤備戲題新居詩云去冬作舍誰

資助縣侯雅以平原故則授館於陽平外家別業上

梁文云東諸侯助竹木之養王錄事寄草堂之資則

定居於故里先生憂貧之詩惟見於學東坡移居第

四首時則倉皇北渡狼狽於聊城者半年此後吟詠

自如曾無內顧賢侯折節百世猶興觀夫世廟諸賢

得於東州者過半宋子貞商挺王磐王鶚李謙李昶

劉肅徐世隆孟祺閻復張昉申屠致遠爲國儲材有古大臣風矣嗚呼以悍帥武夫鼠化

而虎尙能築宮擁篲草澤求賢視彼衛紹王重吏輕
儒一廢一興乃如蒼蔡賢者亦何負於人國哉

幽并之人久勞鞍馬先生游興尤爲宿尙顧河山旣
阻蹤跡亦不能周今就全集考之西行至長安隴城
次則道出虞鄉後此無西征也寓河南者凡十六年
東不過汴梁西不過商州南不過鄆城至河朔移居
僅至濟南泰安林廟之拜已是重來然亦不過兗州
蓋由此而南則與宋爭地也回鄉以後往來煩數東
至於燕西及徐溝車轍所經曾不越太行之東西蓋

不過千餘里耳出關二次道出雁門祇傍邊城北及
懷安而止漠北諸王并無東平冠氏之好客亦可見
也然嵩少而外泰山林慮王屋鳳山前高北岳五臺
龍山皆所親歷五嶽遊三亦自不俗詎必窮九州外
哉

所至之地皆有營居南渡三鄉尙爲鷄借至崧前則
定居矣後至昆陽不特營居且并營田無家可歸亦

勢使然也

此後灣別業

內鄉罷官先營長壽鎮平攝篆復

闢秋林北渡聊城羈棲二載而冠氏之居又一建

學東

坡移 再建 戲題新居 矣回鄉以後外家別業卽爲安宅雖

神山之念 神山別業未成 未遂初心而呂氏園林經營已畢

此鹿泉新居 明年又築野史亭蓋不憚煩數如此

先生同年登詞賦進士可考者第一劉過鼎臣見滹南銘歸潛志李國維德之見本集沁州碑趙端卿正之見奉直銘史元邦直見墓表李欽若獻誠李欽用獻甫見贊皇銘探花詞康瑋見康公銘敬鉉鼎臣見贈答詩張夢祥董德卿見別詩又盧元長卿見金史李復亨傳王元禮見中州集景覃傳郭邦彥平甫田

錫永錫見同上趙璧敏之見陵川集銘焦茂才見學古錄朝列趙公碑又口獻臣蘇邁見改建碑共十八人若宣紀喬松等十餘人乃同年經義進士選志幹勤業德等二十八人乃女真進士也。又案李復亨傳興定五年三月廷試進士進士盧元濫放讀卷官禮部尙書趙秉文翰林侍制崔禧歸德侍中時戩應奉翰林文字陳嘉善奪三官降職復亨監試奪兩官此皆是年試官 據施箋

先生所著有壬辰雜編金史完顏納新傳贊所云劉

祁歸潛志元裕之壬辰雜編二書雖微有不同而金

末喪亂之事猶有足徵焉者也不著卷數中州集家

鉉翁題後稱為十卷內郝碣云為中州集百餘卷考碣乃百餘萬言又有金

源君臣言行錄亦不著卷數本傳云杜詩學一卷東

坡詩雅三卷詩文自警十卷而郝碣則云詩五千五

百餘首考碣干上無五字碑銘至百餘首又有續夷堅志二

卷新樂府五卷詩餘此翁譜未載今所傳詩文集四十卷一

刻於明宏治十一年再刻於本朝康熙四十六年皆

頤齋張德輝類次之本而時地則未嘗效也今又有

烏程施國祁元遺山詩集箋註則蘇齋未見耳據翁譜再

補

是集元刻為嚴忠傑中統壬戌本張德輝類次詩文

共四十卷前有李治徐世隆二序後有杜仁傑王鶚

二引明刻為李叔淵宏治戊午本詩文仍四十卷有

儲瓘李叔淵序序存施本集中二十二卷元闕兩頁外附

錄一卷乃儲氏從中州等書採諸贈言增入者何燕

泉云遺山集今刻河南者是也 國朝刻為華希閔

康熙庚辰本詩文仍四十卷古賦四首五古一百二十九首七古

七十八首雜言三十六首樂府四十八首五律八十四首七律二百九十三首五絕二十五首六言四首五七言一首七絕
五百八十二首 共一千二百八十首仍載附錄一

卷及李杜徐王四序引削去李儲兩序而弁以魏學

誠大字序序存施箋外增附錄詩五首眠琴山館又藏元

刻曹益甫至元庚午本有段成已序序存施箋止詩二十

卷無文其詩亦一千二百八十首續採八十一首五古

十二首七古四首雜言三首樂府二首五律八首七律三十三首七絕十九首此張輝類次

所遺者三刻皆無又元黃公紹至順庚午本詩二十

卷僅七百餘首樂府次首卷餘畧同有余謙序序存施本

蓋選本也據施箋

先生墓在今忻州南十里之韓巖村俗所稱五花墳

者也始則郝經伯常為之碣列銜云大德四年七月

吉日男奉直大夫汝州知州兼管諸軍奧魯勸農事

元拊并元振立石無元摠名蓋是時已死此一石也又墓碑詩

人元遺山之墓碑陰云至元十有九年五月廿二日

建列銜云通議大夫河東山西道提刑按察副使

魏初字大初宏州順聖人世祖朝官至侍御史中丞元史有傳大中大夫河東山

西道提刑按察使濟南姜彧字文卿官至御史中丞元史有傳此又

一石也按至元是世祖朝大德是成宗朝據此則或初因按部而來為之立石而拊則達後始因郝碣而再立之也又乾隆十九年七月忻州知州古歙汪本直重脩見於翁譜已詳茲不復贅

附辨

按元史郝經傳中統元年使宋是年庚申居宋十五年以

至元十二年以明年宋平句得之宋平在十三年夏還闕秋卒則墓碑

之作當在使宋之前自丁巳至庚申祇四年而先生之卒時長

子拊年二十九振摠尙幼不應所歷之官已至於此

又碑立於大德四年距先生之死又四十三年而列

銜卽墓碣之官亦不應四十餘年不進一階據此則

碣出郝手而諸子仕履則後人竄入也郝碣多不足

據良亦以此而學者猶奉為枕秘亦未考耳先生卒時郝年

三十歲

又按集首四序徐世隆杜仁傑皆就詩文論最為有

識至王鶚則云國朝將新一代實錄附脩遼金二史

吾子榮膺是選恩命未下哀訃遽聞雖造語不倫而

脩史猶本志也惟李治一序感慨世祖之知深為蓋

棺之恨且云向使遺山不死則登鑿坡掌綸誥稱內相久矣奈何遇千載而心遺際昌辰而身往此非君遺恨也耶此真無耻之談有忝斯集先生自故都亡後矢志蕨薇觀其遺命祇以詩人立石平生之志皎若日天設令不死而世祖御天之辰時已七十一歲白髮老公復何求耶仁卿以金源遺老晚際遭逢不覺津津若此不知老婦再嫁孺子亦羞稱之不足與議矣

又翁譜引葛邏祿

名迺賢

詩自註世祖嘗因金源元好

問之請爲儒教大宗師此又傳聞之誤也案此事見元史張德輝傳云壬子德輝北覲與元裕請世祖爲儒教大宗師世祖悅而受之此爲元裕見於元史不一絕非元裕之也下云德輝與元裕李冶游隱封龍山號龍山三老遺山何嘗隱封龍山耶此與李冶之

見同爲無識并辨於此

案此本於王惲張德輝行狀今卽本集考之王子冬始至

燕而世祖紀則七月已往雲南先生入北之時卽世祖征大理之日何覲之有耶元史於先生則書好問與元裕判然兩人高鳴傳云元裕上書薦之不報河西王旭烈兀聘之乃起云云今集中送雄飛序乃在王子則未覲之前上書果何人也集中并無及徵召之事惟岳祠夜宿詩有鶴書來何遲素髮迫垂領語

然此只指中書令成仲之聘尚在丙午世祖受王印之前固不得混而為一且郝伯常身仕元朝如有此舉且以為榮何以墓碣絕不及耶

編次既畢復從友人借得烏程施國祁北研箋註此據曹益甫至元本有續編八十一首重加數日之功一并編入是箋於元季文集搜羅畧備且集中年月亦能細核小譜於諸人仕履補證為多顧徒採獲而無折衷其篇首之譜時地遂多窒碍翁譜既辨於前此亦不可不諍也摘誤於後 癸亥十四歲父東巖君

卒案敏之傳年二十東巖捐館敏之死於甲戌年二十九逆朔二十是乙丑年先生是年十六歲

甲戌二十歲與聰上人書云甲戌南渡河丙子始南渡

是時或以他故先渡耶宣宗遷汴史稱為南渡集中亦然非指先生其紀年不載

遷汴事宜其誤也 丙子二十歲雪後招王贊飲詩指汴試後一年戊寅是

年始至三鄉王贊登封人尙未識面 辛巳三十歲留別仲澤是年春登

山與馮雷輩游無仲澤 甲申三十歲叢書記云相國寺買書記

云元光間不 夾灘詩註云春在孟州今本箋無此註 卽事免

從軍是年由汴回卽與馮雷游崧山無見商帥事 乙酉三十歲芳華怨又

怨芳華怨當在是年後怨有汴梁破來一千日句非此年 清涼相塔銘銘無年

比京師歸而師沒矣句 丙戌三十歲感懷云四十頭

顧半白生乃舉成數耳言四十不止此詩集中無隔數年而舉成數者王叟

陰德記予在鎮平日。鎮平縣齋書懷。又覓酒。

又寄家以上皆在四出山除夜詩云可憐出處兩蹉跎尚未出山也亦誤南

陽署上梁文既誤鎮平則自不得再誤南陽耳郝謁除南陽令在起復後既據郝則必非一時也

誤也 戊子三十長壽新居賦云竟四十而無聞當在謝免從

事之辟是年丁艱然未罷內鄉無辟事也與詩意亦未合鄧相公命賦喜雨

詩指暮春則非六月雨不在是年 壬辰四十毛氏家訓跋云向子

在汴梁婦翁提舉云云案此段言毛飛卿馳驛方城為御史所誣事此事即毛氏宗支石記所云馳驛襄葉者也下云時宣宗用法急云云是事在宣宗朝其云在汴殆先生赴試時而婦

翁則由後稱之據此以為先生是年續娶則無識矣當此國危君走何暇娶耶 癸巳四十

案汴京既下一段此以北渡為張柔之力亦想當然語而去年恐未娶甲午

四十 續陽平十愛此年未遷陽平其杏園宴集或偶一至而詩意已覺不倫此則斷非

是年詩不容預 乙未四十戲題新居詩是破火重建應在

作冠氏語也 丙紫虛大師碑碑云今年自聊城及子於濟上待之者累月集中濟上皆指濟源應在

戊入寓舍後此誤以濟南當之不知濟南 丁酉四

行記云次第二十日間所游歷無累月也 入游黃華山辨見野谷道中。太原按集中有統稱太原者舉其郡

也有專稱太原者指其地也此據昭禪師引八月自大名還太原語不知此是還忻州未必即過太原也

贈郝經考元史本傳伯常自亂後即遷順天無由此時有贈 戊戌四十游天

廣元遺山年譜 卷下

壇十三首

據續夷堅志在下半年已亥四月已詳譜中

已亥

五十歲

送楊次

公無九日讀書山

當在下半年庚子已詳譜中

庚子

五十歲

中州集

滕茂實傳云春自山東回鄉里

集中無至山東事此亦存疑

七月

十六送馮楊善

亦無

辛丑

五十歲

曹徵君表云冬自

新興枉道過宏州

今箋本表無冬字是年室塞不通蓋由不知輿地可歎也

水簾

○ 洪谷 ○ 黃華 ○ 寶巖

此皆沿小註之訛辨見譜中

甲辰

五十歲

桐川與李治仁卿飲

是年至崢然詩是初見面語考戊戌已有和仁卿詩意則

見面不知始是年

吏部張公碑

二月葬洹水葬後求銘先生是時在鄧州相去頗遠

不知何時作

丙午

五十歲

與白兄書七月得足痿症

在此

甲辰說詳譜中

龍門清安寺碑

此為劉敏作寺在武川則在京北碑但記丙午請旨

事而是年未至京不知何時作

己酉

六十歲

木菴詩序

華本刻乙酉原是丁酉之

訛辨見譜中此作己酉則更謬矣木菴在洛西何由至順天耶

庚戌

六十歲

魏丈玉

峯哀挽

無

湧金亭詩

此詩戊申已刻石何得此時始作耶

辛亥

六十歲

教授常仲明銘九月來鄆城

集是來鎮陽此鄆城字誤

天慶功德

記

施箋已見庚戌二月此又重編誤

壬子

六十歲

張德輝行狀公與

好問北上

詳譜後附辨

大丞相劉氏先塋碑

此即劉敏然壬子則無據

與敬鼎臣宿順天僧舍

此年由東平至燕或至順天然無確據

癸丑

六十歲

又和章詩後

今華本無此跋

甲寅

六十歲

與聰上人書

四月末自太原來鎮州

書云年二十五見楊趙今四十年矣在去年

乙

卯

六十歲

劉時舉節制雲南

據史在壬子

丙辰

六十歲

贈司

天王子正

詩六十七年強健在此指子正之年非先生自指也誤

以上皆據施

譜為之是正至其箋中亦多錯誤

如以第三女順與第三女珍為一人

以騎駱李為李長源以昆陽之太白嶺為武功地以張仲傑郎中為張柔子宏範等

無關行跡

亦不復置議嗟夫通才實難即此博引旁搜已足稱

元氏功臣之最張石洲明經不可一世顧獨於此箋

深為推服

此見於道光丁未續刻定襄李鏞經序

是亦足重矣茲之所

論第折衷以求其是非以為後出者勝也

施譜仕履據大德本墓碣而集後附錄仍刻陵水本

此當原華氏舊編未遑是正然亦太疎也按陵川本

云正大中辟鄧州南陽令甚有威惠以太夫人衰疾

辭劇致養轉內鄉令丁艱憂終喪詔為尚書都省椽

此已全錯大德本云初筮仕除鎮平令再轉內鄉遂

丁艱憂終喪正大中辟鄧州南陽令甚有威惠詔為

尚書都省椽此較合而仍與集戾者疑郝氏初以意

為之及叔儀刻石乃為改正而事隔四十餘年亦記

不清也金史本傳登興定五年進士第歷內鄉令正

大中為南陽令天興初辟尚書省椽此無鎮平則史例從簡攝篆固不必叙耳乃一考諸集眉目自清則編年曷可少哉

詩中紀年必連此年至彼年前後統計案之無不合者已詳譜中矣惟其間有參差并附於此銅鞮次村

道中南北二十年詩作於己亥自丙子南渡至此二十四年九月讀書山

第九首鄉曲二十年詩作於庚子此指五臺而言鄉曲指少日居鄉時也先生二十

七歲南渡見於集者除掖縣一年陵川六年其數尙合然天慶觀記云子嬰年先大夫挈之游四方則亦未定之詞舜泉喪亂二十年詩作於乙未濟南自甲戌被兵至此凡二十二年寄

英禪師呻吟二十年詩有城中崔夫子句按懷祖和裕之詩云相從回首七經春此

詩在丁亥則懷祖庚辰始遷崧自八歲學詩數之已二十四年矣岐陽十年戎馬暗

秦京詩作於辛卯自丙子破潼關計之已十六年然或非秦京也自壬午木華黎克同州起計則合

矣游泰山十年望齊魯詩作於丙申先生年四十四始至聊城是年已四十七矣

然跟上平生華崧游句來則丁卯家還讀書山滄海亥離崧始望岱至此亦恰十年

橫流二十年詩作於己亥自癸酉元兵入掠至甲午金亡凡二十二年至此二十七年歸

義僧山水卷崧少經行二十春詩當作於癸卯甲辰入京時自丁亥去崧

至此纔十七八年然先生居崧十年此則約畧之詞也蓋或因字數而約舉之

或因冲口而率出之故閒有未檢然失亦僅矣至九

日讀書山第八首之回頭餘十年天井關之二十年
 前走大梁與敬鼎臣宿僧舍之三十餘年老兄弟
 往西張之四十年來此寒苦皆見譜寄謝常君卿之得
 君重恨十年遲送郭大方之交遊空記十年前贈馮
 內翰之從公未覺十年遲見叔獻在庚辰前當在丁丑至沐時已二十年此跟
上見說常山好歸隱句虛言後會也自題中州集之相從何止十年遲
指辛敬之答定齋李兄之十載相逢未言晚此則非一定
 之詞下字原有分寸也

華本共詩一千二百八十首

今譜所據

曹本續採八十一首

從施箋補

共一千三百六十一首除入譜外其未編題目并

附備核

五古

續編

蕭寺僧歸橫幅

七古

赤壁圖

巨然松吟萬壑圖

太白獨酌圖

松上幽人圖

劉遠筆

續編

王學士熊岳圖

樂府

湘夫人詠

湘中詠

渚蓮怨

結楊柳怨

歸舟怨

征人怨

塞上曲

西樓曲

後平湖曲

征西壯士謠

望雲謠

望歸吟

獵城南

春

風來 梅花 寶鏡

續編 怒虎行 答宋文之

五律 惡雨

七律 續編 射虎

六言 德和墨竹扇頭 五言唐子達扇頭

七絕 藍采和像 鴛鴦扇頭 銅雀臺瓦研 無題

二首 戚夫人 題山谷小艷詩 四皓圖 雜著

老優慣著 眉二首 夢中作 杏花 桃李前頭

戲題醉仙人圖 竹溪夢游圖 王都尉山水 李

白騎驢圖 許由擲瓢圖 雜著 燒殘芻狗 陳德

元竹石二首 墨竹扇頭 戲贈柳花 秋江待渡

橫披 題鷺鷥敗荷扇頭 樂天不能忘情圖二首

三士醉樂圖 楚山清曉圖 雪行圖 太一仙舟

雪岸鳴飲 東丹騎射 投書圖二首 巢雲曙

雪圖武元直筆 真味齋 風柳鳴蟬 晴景圖

石勒問道圖 華光梅 夏日風雨 春雲淡冶

胡叟楚山清曉 跨牛圖 三門集津圖 山川風

雨扇頭 袁顯之扇頭 貞燕二首 醉貓圖二首

何尊師畫 秀隱君山水 續編 春日寓興 倦繡圖

雪谷曉行圖

漫漫長路
幾時休

以上共八十二首

廣元遺山年譜卷下



